



Georgius apud Belgas natus, & à pueris omni genere literarum optimè institutus fuit. Inde sese ad varias prouincias contulit, & passim in Academicis philosophiæ & rebus abstrusis operam nauauit. postea quoque rei Medicæ incubuit, & in ea facultate supremum gradum obtinuit. Hinc factum, ut Georgius in rerum naturalium scrutatione adeò profecerit, ut eo genere doctrinæ suo tempore nulli secundus extiterit, atque Erasmo Rotodamo familiarissimus fuerit. In primis autem ea corpora, quæ intra uiscera terræ producantur, obseruauit, & magna diligentia posteritati proposuit. Nam opus præclarum De re metallica scripsit,

atq; 1530 Basileæ publicauit. pariratione De mensuris & ponderibus libros quinque composuit, & posteritati legendos exhibuit. Itaq; contigit ut Georgius sua eruditione cunctis innotuerit, & præclarum uirtutis nomen obtinuerit. Con. Gess. in Bibl.